

## PIPE OG ELDSTAD

Send søknaden til:

### Kva slags arbeid i samband med piper og eldstader er unntake fra søknadsplikt og kva må du søkje om?

Når du skal gjere arbeid med piper og eldstader er det to ulike kategoriar som er aktuelle. Det kan vere at du:

1. Kan gjere arbeida utan å søkje (altså ikkje søknadspliktig).
2. Må søkje og søknaden må bli send inn av føretak som tek på seg ansvar som **ansvarleg søker**, eventuelt av tiltakshavar med ansvarsrett som **sjølvbyggjar etter forskrift om byggesak (SAK10) § 6-8**. Prosjektering og utføring må bli gjort av føretak som tek på seg ansvar som høvesvis **ansvarleg prosjekterande** og **ansvarleg utførande**, eventuelt sjølvbyggjar med ansvarsrett for dette. Eventuell kontroll må gjerast av **føretak som tek på seg ansvar for kontroll**. Alle føretak som tek på seg ansvar må oppfylle krav til kvalitetssikring jf. **SAK10 kapittel 10** og krav til utdanning og praksis jf. **SAK10 kapittel 11**.

**Her er to tabellar med meir informasjon om dei ulike kategoriene:**

<b>1. Ikkje søknadspliktig etter § 20-5 d) og e) i plan- og bygningsloven (pbl) og forskrift om byggesak (SAK10) § 4-1 e) pkt. 2 og 5:</b>	
<b>Kva slags arbeid med pipe og eldstad gjeld dette for?</b>	<b>Kven er ansvarleg for kva?</b>
<ul style="list-style-type: none"> <li>• <b>Installering, endring og reparasjon av eldstad i eksisterande bygg innanfor ei brukseining eller branncelle.</b>            Døme på endring og reparasjon av eldstad: reinstallering*, oppføring av brannmur, innmuring av pipestuss, frilufttilførsel, fundamentering av peis og øvrige arbeid som er naudsynte for å installere ein eldstad.            *) Med reinstallering meiner vi eldstad som blir teken ut og plassert tilbake på same stad og i same røykløpsinnføring.</li> <li>• <b>Reparasjon av skorstein (skorstein = pipe), så framt at reparasjonen ikkje fører til at skorsteinen blir endra.</b>            (Døme på reparasjonar som fører til at skorsteinen blir endra slik at arbeida blir søknadspliktige, er montering av nytt røykrøyr eller glidestøyp.)</li> <li>• <b>Frittliggjande utepeis som er plassert minst 4 meter frå nabogrense, og som ikkje er til fare eller urimeleg ulempe for omgjevnadene.</b></li> </ul>	<p>Du er sjølv ansvarleg for at tiltaket (tiltaket = det du skal gjøre) følgjer føreskrogene i <u>plan- og bygningsloven</u> med tilhøyrande forskrifter, arealplanar som kommuneplanen sin arealdel og reguleringsplan, og andre løyve. Tiltaket må heller ikkje vere i strid med andre regelverk. Du er sjølv ansvarleg for å gjøre eventuelle naudsynte avklaringar med andre styresmakter som er nemnde i <u>SAK10 § 6-2</u>.</p> <p>Etter forskrift om brannførebyggjande tiltak og tilsyn (FOBTOT) <u>§ 6</u> har du meldeplikt til det kommunale feiarvesenet når du har installert ny eldstad eller har gjort andre vesentlege endringar ved fyringsanlegget. Du er sjølv ansvarleg for å melde frå til feiarvesenet.</p>

#### Digital søknad

Dersom du skal søkje om løyve, tilrår vi at du sender elektronisk søknad gjennom ein av fleire søknadsportalar. Ved å bruke slike verkty får du på same tid ein betre kvalitetkontroll av søknaden. Mange kommunar har reduserte gebyr for søknader som er sende inn via internett. Sjå **dibk.no** for oversyn over

## PIPE OG ELDSTAD

ulike søknadsportalar.

### 2. Søknadspliktige tiltak med krav om ansvarlege føretak etter § 20-3 i plan- og bygningsloven:

Kva slags pipe- og eldstadsarbeid gjeld dette for?	Kven er ansvarleg for kva?
<ul style="list-style-type: none"> <li>• Oppføring av skorstein</li> <li>• Andre reparasjonar av skorstein enn dei som er omtala i tabell 1.</li> <li>• Installering, endring og reparasjon av eldstad som gjeld meir enn ei brukseining eller branncelle i eksisterande bygg.</li> </ul>	<p>Søknad om desse arbeida på pipe og eldstad må bli send inn av føretak som tek på seg ansvar som <u>ansvarleg søker</u>, eventuelt av tiltakshavar med ansvarsrett som <u>sjølvbyggjar</u> dersom arbeida er i eigen einebustad eller fritidsbustad. At du skal kunne bli godkjent som sjølvbyggjar, krev at du har naudsynt kompetanse sjølv, eller at du knyter til deg nokon med slike kunnskap.</p> <p>Etter forskrift om brannførebyggjande tiltak og tilsyn (FOBTOT) § 6 har du meldeplikt til det kommunale feiarvesenet når du har installert ny eldstad eller har gjort andre vesentlege endringar ved fyringsanlegget. Du er sjølv ansvarleg for å melde frå til feiarvesenet.</p>

**Send inn søknaden i eitt eksemplar. Ifølgje SAK10 § 5-4 skal han innehalde:**

<b>Søknadsblankett</b> inkludert erklæring om ansvarsrett for søker	<a href="#">nr. 5174 og 5175, ev. 5184 og 5187</a>
<b>Kvittering for nabovarsel og Opplysningsar gjeve i nabovarsel.</b>	<a href="#">nr. 5155 og 5156</a>
Du skal varsle naboar og gjenbuarar i tilfelle der arbeida kan få konsekvensar for dei. Dersom du søker om dispensasjon, må du varsle særskilt om dette. Du kan ikkje sende søknaden til kommunen før frist for nabomerknader har gått ut. Du finn meir informasjon i informasjonsarket « <i>Nabovarsel – innhald og varslingsmåtar</i> ».	
<b>Eventuelle merknader frå naboar</b> , med orientering om korleis desse eventuelt er tekne omsyn til.	
<b>Situasjonsplan.</b> Det er berre krav om dette for utvendige tiltak. Kartet må vere av nyare dato og du kan tinge det hos kommunen. Du finn meir informasjon i informasjonsarket « <i>Situasjonsplan – kva krevst?</i> »	
<b>Teikningar</b> som viser plasseringa av skorsteinen eller eldstaden på planteikninga samt utsjånad og utføring. Du finn meir informasjon i informasjonsarket « <i>Teikningar – kva krevst?</i> »	
<b>Gjennomføringsplan</b> med oversyn over ansvarsområde delt inn i godkjenningsområde og etter tiltakklassar, kontrollområde, ansvarlege føretak og gjennomføring av oppgåvane.	<a href="#">nr. 5185</a>
<b>Erklæring om ansvarsrett</b> for prosjekterande, utførende og eventuelt kontrollerande.	<a href="#">nr. 5181, ev. 5184 og 5187</a>
<b>Eventuelle fråsegner og avgjerder frå andre styresmakter</b> som nemnt i <u>SAK10 § 6-2</u>	
<b>Eventuell søknad om dispensasjon.</b> Er søknaden avhengig av dispensasjon frå plangrunnlaget eller andre føresegner, er det krav om grunngjevene søknad etter <u>§ 19-1</u> i plan- og bygningsloven. Du finn meir informasjon i informasjonsarket « <i>Dispensasjon</i> ».	

Dei firesifra nummera i tabellen viser til blankettnummeret for byggjesaksblanketten som du finn på Direktoratet for byggkvalitet sine sider.

### Når kan du byrje arbeidet?

Om det du skal gjere ikkje er søknadspliktig, kan du byrje arbeidet med ein gong du har avklara at vilkåra for unnatak frå søknadsplikt er oppfylt.

Om det du skal gjere er søknadspliktig kan du byrje arbeidet tre veker etter at kommunen har fått søknaden, dersom følgjande vilkår er oppfylte etter § 21-7 i plan-og bygningsloven:

- Søknaden er komplett, det vil seie at han inneheld all naudsynt informasjon
- Det du skal gjere er i samsvar med gjevne føresegner eller i medhald av pbl (er i samsvar med arealplan eller dispensasjon er innhenta på førehand).
- Det er ikkje naudsynt med ytterlegare løyve, samtykke eller fråsegn frå anna styresmakt etter SAK10 § 6-2.
- At det ikkje ligg føre merknader frå naboar.
- Kommunen ikkje har gjeve deg melding om forlenga frist for sakshandsaminga etter SAK10 §7-3

Er ikkje desse vilkåra fylte, må du vente med å byggje til du har fått skriftleg løyve frå kommunen. Kommunen har då frist på 12 veker til å gje deg svar. Sjå pbl § 21-7.

**Når dei søknadspliktige arbeida er ferdig utførte, skal du som tiltakshavar/ansvarleg søker be kommunen om ferdigattest.**

